



Vischnaunca Ruschein

Uorden da scola

Cul relasch d'in uorden da scola vegn fixau entginas reglas ed ordinaziuns per ademplier il pensum da survegilar il menaschi da scola.

Sereferescha **Art. 1**
Persunas, uffecis e funcziuns en quella lescha serefereschan sin omisduas schlatteinas.

Instrucziun **Art. 2**
Ils scolars ein obligai d'esser ad uras en scola.

Localitads da scola **Art. 3**
Setener si en stanzas da scola ei lubiu en general mo duront l'instrucziun e sut la survegilonza dils scolasts. Ellas stanzas da scola sto vegnir purtau scalfins. Els ulteriurs locals e zulers ha ei da reger uorden e ruaus.

Indrezs da scola **Art. 4**
Ils utilisaders han da ver quitau e far adatg dallas localitads, dils indrezs e dil material.
Per donns caschunai da levsenn ni sapientivamein ston ils geniturs dils pertuccai star buns.

Diever extraordinari **Art. 5**
Per ulteriur diever dallas localitads en casa da scola duront ed ordeifer il temps da scola sto vegnir inoltrau ina damonda al cussegl da scola.

Areal da scola **Art. 6**
Igl areal da scola stat a disposiziun als affons igl entir onn ora. Ei astga denton buca vegnir disturbau il menaschi da scola.

Scumandau ei:

- Carrar cun velos e mofas (velos a motor)
- Donnegiar plontaziuns
- Tschuffergnar ils stabiliments
- Treer bottas, crappa etc.

- Duvrar cuntials ed uaffens
- Fimar

Ils curdems ein da metter en ils canasters da rumien.

Cu ei vegn stgir ston ils affons s'absentar digl areal da scola. Viers ils habitonts ella vischinonza digl areal da scola ei da prender risguard.

Pausa	<p>Art. 7 Da pausa setegnan ils scolars si el liber sche l'aura lubescha. Bandunar igl areal da scola durant pausa astgan els denton mo cun consentiment dils scolasts.</p>
Survigilanza da pausa	<p>Art. 8 La sorvigilanza da pausa succeda entras ils scolasts (scola pintga, mesauna e gronda) en turnus dad in'jamna.</p> <p>Il scolast che ha la sorvigilanza ei presents sigl areal da scola. El ei era responsabels che las ordinaziuns digl uorden da scola vegnien respectadas.</p> <p>Inagada ad jamna ha mintgamai ina scola da prender si il curdem che schai entuorn sigl areal da scola (excepziun: sch'il mussament ei daus ch'enzatgi auter ha tschuffernau, ein las scolas dispensadas da schubergiar).</p>
Incumbensas extraordinarias	<p>Art. 9 Igl uorden ed inventari d'utensils da gimnastica ch'audan alla scola ha il scolast da scola gronda da sorvigilar. Igl uorden ed inventari dalla stanza da scolasts e la biblioteca sorvigilescha il scolast dalla scola mesauna. Il scolast dalla scola pintga mira ch'ei seigi uorden el luvratori da scola e controllescha ch'igl inventari dils uaffens seigi cumplets.</p>
Viadi a scola	<p>Art. 10 Il viadi a scola astga buca succeder cun velo, mofa, aissa da rodas, calzars da rodas e scarsolas. Excepziuns san vegnir concedidas mo entras il cussegl da scola. Sunter scola han ils scolars de semetter immediat sin via a casa.</p>
Survigilanza	<p>Art. 11 Duront il temps da scola ein ils scolasts responsabels per igl uorden sigl areal da scola, ordeifer il temps da scola la vischnaunca.</p>

Temps liber **Art. 12**
 Ils geniturs ni lur substituts ein responsabels per lur affons ordeifer il temps da scola.
 Ils scolasts ed il cussegl da scola han il dretg tenor lescha da scola cantunala d'admonir ils affons en lur secuntener era ordeifer il temps da scola.
 En cass necessari vegnan ils geniturs contactai entras il cussegl da scola.

Halla Crestas **Art. 13**
 En la halla astgan ils affons setener si mo sut survegionza dils scolasts. Pantoflas che donnegian e tschufrognan il plantschiu astgan buca vegnir purtadas. Magliar e beiber ei buca lubiu en halla. En las gardarobas astga buca vegnir deponiu resti e pantoflas, ils scolars han mintgamai da prender il resti da gimnastica a casa.
 Per il diever dalla halla ordeifer il temps da scola ei la canzlia communal responsabla. La gimnastica dallas scolas ha adina preferenza.

Plaz da gimnastica **Art. 14**
 Sil plaz da gimnastica valan las prescripziuns affischadas vid la porta dil plaz. Quellas senumnan:

- Sil plaz san ins giugar cun pantoflas da gimnastica, cun calzers e cun stiflas, excludus calzers cun stolas (excepziuns cun lubientscha dalla vischnaunca).
- Buca lubiu eisi da girar sil plaz cun vehichels, velos, töfs e medema-mein buca cun calzers ed aissas da rodas.
- Plinavon eisi scumandau da reiver sin la seiv, sco era da fimar, far fiug, fierer schlumiets e curdem sil plaz.

Tut quels camonds e scamonds gidan nus a mantener il plaz en uorden era pigl avegnir.

Per il diever dil plaz ordeifer il temps da scola ei la canzlia communal responsabla. Ils affons e las scolas han adina preferenza.

Sepulturas **Art. 15**
 Allas sepulturas a Ruschein pren la scola gronda part. Allas sepulturas a Ladir pren la scola mesauna part. Uras da sepultura valan sco uras da scola.

- Dis da sport** **Art. 16**
 Ils 3 dis da sport vegnan menai atras las jamnas da scola denter las vacanzas da Nadal e las vacanzas da sport. Per segidar tals dis sa era il cussegl da scola vegnir dumandaus.
- Survigilanza** **Art. 17**
 Quest uorden da scola stat sut la survigilanza dil cussegl da scola.
- Adaptaziun** **Art. 18**
 Quei uorden da scola sa vegnir adattaus dil cussegl da scola mintgamai tenor diever. El sto buca vegnir confirmaus dalla radunonza da vischnaunca.
- Quest uorden da scola remplazza tuttas anteriuras ordinaziuns e disposiziuns.
- Repartiziun** **Art. 19**
 Quei uorden da scola vegn repartius a tut ils affons da scola p.m. da lur geniturs u superiors.

Ruschein, ils 4.9.1997

Per il cussegl da scola:

Il president: *Menzli Marcus*

Igl actuar: *Coray Johanna*